



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 60. Jesuitarum Generalis electio jussu Pontificis Romæ facta.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Post Sancti Ignatii obitum de eligendo Societatis Præposito generali agebatur: equidem sanctus Vir pro Societatis rebus cum plena potestate administrandis Patres Joannem Polancum, Christophorum Madridium, & Hieronymum Nadalem nominabat, seu potius eorum nominationem approbabat: verum Patres ibidem congregati in Vicarium Generalem seligebant Patrem Lainium, seu Lainesium, cum autem illatum gravi morbo decumberet, suprema regiminis potestas Joanni Polanco, & Madridio interim deferebatur, donec Vicarius pristinae restitueretur valetudini: qua etiam paucis post diebus recuperata per Patrem Polancum ad omnes Societatis Provincias perscribi, ac Congregationem indici iussit, in qua proximo Mense Novembri Præpositus Generalis eligeretur: cum autem tunc bellum inter Papam, & Philippum II. ferveret, ac Patres Hispani tuto Romam venire non possent, Lainius vero omnes Hispaniæ Provinciales, ceterosque huic conventui interesse perciperet, hinc eadem Congregatio ad biennium dilata est.

§. LX.

Jesuitarum Generalis electio jussu Pontificis Romæ facta.

Inte-

Sæcul. XVI
A.C. 1556.

Sacchini hist.
Soc. l. 3. n. 22.

44. & 45.

Ribad. ait.

P. Lain. l. I.

c. 12.

Sæc. XVI.
A.C. 1556.

*Sacchini l. I.
n. 46. n. 48.
Ribad. c. 12.*

Interea frequens inter Patres erat diffensio; non enim ex primis Ignatii sociis plures, quam quinque supererant, iique erant Lainefius, Salmeron, Broetius, Rodericus, & Bobadilla. Horum postremus audacioris indolis Vir, qui Neapoli Patris Oviedi regimen turbabat, & ab ipsomet Sancto Ignatio administratione Collegii fuerat exutus, palam querebatur, quod soli Lainefio omnis authoritas attribueretur; hinc constanter, ut Societas per quinque Professos ætate seniores in Pontificum Bullis nominatos regeretur, petiit, atque ad sua studia pertraxit Rodericum, Broetium, Violam, aliumque nomine Adrianum: unde inter ipsos fat vehemens oriebatur contentio, quæ tandem ad Carpii Cardinalis aures delata est. Hic, cum animos adeo exacerbatos cernebat, soli Lainefio Regimen committere haud consultum censebat, hinc socios ipsi adjungi præcepit, quibus sicut senioribus ex Ignatii societate Professis adjutus summæ rerum præesset Lainefius: verum quidam ad ciendos motus nati rursus nova dissensionum semina spargere moliebantur: cum enim de futuræ Congregationis loco ageretur, ac quibusdam Lauretum, aliis autem Avenio placeret, ac nonnulli Lusitaniam ob auxilia a Rege suppeditanda, alii denique

nique Genuam proponerent, Summo Pontifici significabatur, quod Societatis Patres Roma emigrare, suumque conventum extra Italiam celebrare moli-
rentur, ut a Pontificis præsentia magis remoti ejus auctoritatem, judiciumque declinare possent: id vero eorum rebus plurimum nocere, exponebatur Pontifici, eo quod lucem fugere viderentur. Re comperta Papa omnium Jesuitarum, qui Romæ agebant, indicem sibi tradi, eorumque nomina, cognomina, ac patriam indicari postulat, præcipiens, ne illorum quisquam absque singulari venia urbe excederet: id etiam effectui datum est.

§. LXI.

Calvini secta sensim in Galliis invalescens.

Quamvis Hæretici in Galliis severe castigarentur, atque eorum plures rogi etiam supplicio affecti perirent, nihilominus Calvini secta in quibusdam locis altiores radices agere cœperat: quippe Nobilis quidam nomine Ferrierus patria Cenomanensis hæreticos pro sumenda eorum Cœna, precibusque fundendis ad ædes suas clam recipiebat: postea vero Parisiis auffugere compellebatur, cum autem ejus uxor filium eniteretur, ipse palam declarabat,

Sæc. XVI.
A.C. 1556.

Beza hist.
Ecl. l. i. p. 98
89. ann.
1555.